

PEŌ E KE KE EA E-BA

MOJALEFA LE LEKHAPETLA

 Ke u leboha haholo, Moena Demos. 'Me joale re thabetse ho ba mona hoseng hona, le ho utloa mapaki a matle ana a tsoang ho batho bana ba batle, 'me joale re t̄sepa Molimo o tla tsoella ho ba le rōna le ho re hlohonolofatsa.

² Joale, bosiung bona, ke tlilo bua bosiung bona haeba ke utloisisa, ha Morena a ratile. 'Me ke kopile Moena Shakarian, nakoana e fetileng, ke itse, "Joale, u se ke ua soaba. Kea tseba re tlameha ho tsoa mona ka hora ea leshome le motso o mong 'me—me ha ke fihla holimo mona ke lahleheloa ke kelello eohle ea nako."

³ Bohle re batla re ikutloa joalo. Re utloa . . . Ba re, "Metsotso e 'meli, metsotso e merarō, kapa . . ." Moena Smith, ua tseba, ho thata ho e khona ka metsotso e 'meli kapa e merarō. 'Me kea tseba ho joang, 'me ke utloela mang le mang bohloko. Empa re nakong ea mongoaha, re fihlile mona. Re ea Bosafeleng, empa joale re nakong.

⁴ 'Me ke itse, "Moena Demos, pejana nako e fihla feela, u se ke ua soaba, u nkhole ka bakana ke tla tseba hore ke nako ea ho khaotsa." Joale, haeba ke sa qete, ke tla qetella bosiung bona. Ka baka leo ha nka khona, be, bosiu bona ke t̄soere sehlooho se secha.

⁵ Joale pejana re phetla Buka, ha re bueng le Mongoli, re ntse re inamisitse lihlooho tsa rōna.

⁶ Ntata rōna ea ratehang ea Leholimōng, re U leboha ka phutheho ea hoseng hona, ka seo re se utloileng. Haeba re ka thoholetsa joale, Morena, re utloa ho bile molemo ho ba mona. Ke U rapela ho tsoelapele, haeba e le khahleho mahlong a Hao, ho tsoella ho ba le rōna le ho re thusa. 'Me joale re phutheha re teela Lentsoe hare. Kamoo re ne re phuthehile kopanong ea bolekane le e mong le e mong, ra utloa mapaki a seo U re etselitseng sona, joale re lumelle ho khutlela Lentsoeng re fumane moo taba ena eohle e tsoang teng. Ka hona, e tla be e le thasiseletso ea maikutlo a rōna le seo re se bonang, se etsahala kajeno. Aba lintho tsena ka Lebitso la Jesu Kreste. Amen.

⁷ Joale, joaleka—joaleka mohlanka oa Hae, ke—ke motlamuoa oa Molaetsa. 'Me nako tse ling ke utloisisitsoe ka phoso haholo, nakong tse fetileng, 'me mohlomong ho tla lula ho le joalo. Empa ka nako tse ling ha ke bue lintho tsena ho ba—ho fapania, ke li bua ho t̄sepahala. 'Me ke rata ho bua

'nete eo ke e nahanang. Mang le mang o na le e—e tokelo linthong tseo, ho hhalosa mehopolo ea hae. Ke ona morero oa ka hara lona.

⁸ 'Me Moena Shakarian, o buile ka litlankana tsa thapelo meleng ea thapelo, ka ho bona seo Moea o Halalelang... Joale, o ne a sa e bue ka 'na. Ke mabapi le Moea o Halalelang, hoba e se 'na ea ka etsang lintho tseo. Mang le mang o a tseba, nke ke li khona. Empa—empa eo ke karoloana papisong, seo le se bonang mona. Le tlameha ho etela libaka tse ling, le shebe kamoo A bolelang lintho esale pele! 'Me ke... lintho tse tlang ho etsahala, ke ntho, tsena e mpa e le feela... lona, hoo ho etsoa ke lona. Ke lona ba lumelang ho Molimo.

⁹ 'Me—'me ha u sa lumele Molimo, hopola, O u bolella, hantle mona kalaneng. 'Me ha u le sebeng, O u bolella joalo. Le lintho tseo u li entseng, le tseo u n'u sa tlameha ho li etsa, O a u bolella. Ha se tseo ba li ngolang setlankaneng sa thapelo feela. Ba ka ngola holima setlankaneng sa thapelo... Ba ke ke ba bua, mono, ba ipitsa "moetsalibe," 'me le mosali enoa o ne a "phela le monna ea phoso," kapa joalo. 'Me ha ba e ngole holima setlankaneng sa thapelo, empa Moea o Halalelang o e hōtolla ka ho tšoana, ua bona. Ua bona? 'Me ka hona ke hara eona (joang) e—e ke karolo e mohlololo, metsoalle.

¹⁰ 'Me sena ke se bua ka hlompho. Hoba, kaha re se bangata hoseng hona mona, ke sehlotšoana feela. E 'makatsa, ho fihlela e mpherekanya, ka nako tse ling ekare nka hoeletsa. 'Me ha ke lula nqalong, mosikong oa thaba, ke qeta nako e ngata moo, ke amohela se tsoang ho Molimo, kea theoha ke fa batho seo A mphileng sona. 'Me ha ke—ke batle ho fapano le batho. Empa koana, ho tsepahala, ke tlameha ho tsepahala ho Molimo, ua bona, ho—ho Molaetsa.

¹¹ 'Me joale, ha Morena a ratile, re itokisetsa ho kena leetong la mose ho maoatle hang, matsatsing 'maloa feela, haeba e le thato ea Morena. Ruri ke qela lithapelo tsa lona.

¹² Le lokile haholo! Ha nka qala ka bua, ke lebala nako ka botlalo, bohole re joalo. Empa ho Moena Shakarin, bareri ba batle bana ba holima kalana, le ka ntle mane, lona bohole metsoalle ea Jesu Kreste, ke le lumelisa ka Lebitso la Hae; ke le e—e ngoanabo lona bolekaneng, ka sefapano, ho Molimo, ka ho ba baena le likhaiseli.

¹³ Ke batla ho phetla, hoseng hona, Lengolong, koana Bukeng ea Bagalata, ha Morena a ratile. Ke lakalitse ho bala Lengolo.

¹⁴ Joale, maobane bosiu, ho utloa molaetsa o tsoileng ho moena oa rōna oa moreri mona kalaneng, ea buileng ka lipuo. Bredesen, Moena Bredesen, monna ea lokileng haholo. Ke...

¹⁵ Ha ke bona sena ka khaello ea thuto ea ka le thupello, khaello ea kutloisiso ea mantsoe, 'me kea tseba hore Molaetsa

ke 'nete, ho bona banna ba kang bao e le litho tsa moifo bosiu bo bong, baeme mono, bona ba khona ho nonyana matla le bahlalefi. Koana ba ka sitoa ho etsa seo Morena a mpilelitseng ho se etsa. Nke ke ka etsa seo Morena a ba bilelitseng ho se etsa. Empa ha re ka sebetsa 'moho, ke tiile hoba re ka fetisa Molaetsa, ha re ka lula pel'a Molimo.

¹⁶ 'Me o—o pakile mona maobane bosiu. 'Me Moea o Halalelang o buile ka lipuo, 'me, motho e mong hara letšoelie, esale ke e hlompha. Hoba, kea utloisia, ka Bibele, ke Moea oa Molimo o re tlisetsang taba. 'Me o boletse, o buile ka pula ea hoetla, pula ea selemo le pula ea hoetla. 'Me taba eo e ntlisetsa mohopolo.

¹⁷ Moena Bonham a sa tsoa mpha sephuthelo sa licheke, ha thoe, "Ke monehelo oa lerato bakeng sa...o tsoa ho batho." Joale, o—o, ba ne ba sa tlameha ho e etsa. Ua bona, mona ha kea tlela morero oo. Empa ke...eena, ba mphile oona, 'me, ehlile, ho tla ba le...nka sitoa ho o khutlisa. 'Me ke tla o nka, ha Morena a ratile, ke leke ho o sebelisetsa litjeho tsa ka, ho ea mose ho maoatle. Hobane, moo ke eang teng, ha kea tšehetsoa, ho hang.

¹⁸ E batla e le lekunutu, kaha likereke li sa ntumelle ho kena. 'Me ke kena ke le setsumi, hoba e etsetsoa Morena oa ka. Morena o beile pelöng ea ka ho e sebetsa joalo, 'me ke tlameha ho kena tlasa boikhakanyo. Ua bona? Ka hona ba tšoere mehopoloana e hlollang mono, e mong le e mong o batla ho ntekenisa karete, ho lumellana le bona ka seo ba se lumelang, le ho tlaleha sehlopha se *seng* sena se le phoso, 'me sehlopha *sena* se re se ka nkenya ha nka tlaleha sehlopha se *seng* *sena* se le phoso. Ua bona? Empa ha ke e rate. Ua bona, re a...

¹⁹ Esale ke lekile ho ema lipakeng tsa batho, ka ntle ho mekhatlo le liphapang tsa eona, ho bua seo Moea oa Molimo e kang o se buile ka baena hoseng hona, ho thoe ha re mokhatlo oa bolumeli. Re bana ba lelapa. Joale, ha ho mokhatlo oa bolumeli ba Branham. Re fumana le lelapa la Branham, 'me bohle ha re ngolise lelapeng leo, re tsoalloa lelapeng leo. 'Me ka hona, ke, ke leka ho emela hoo, ka—ka bokhoni ba tsebo ea ka.

²⁰ Joale ho Bagalata 4:27–31, kea kholoa ke tšoaila mona, moo ke batlang ho bala mohlolitherō.

Hobane ho ngotsoe ho thoe, Thaba, uena nyopa ea sa beleheng; tsanyaola u bine ka thabo, uena ea sa kang a utloa bohloko ba pelehi: hobane bana ba ea lahliloeng ho na le...ba bangata ho feta ba mosali eo ea nang ea nyetsoeng.

Joale, bana besō, rōna re bana ba tšepiso, joaloka Isaaka.

Empa joalokaha mehleng eo mora ea tsoetsoeng ka mokhoa o tloaelehileng a ne a hlorisa ea tsoetsoeng ka Moea, le joale ho sa le joalo.

*Fee la lengolo le reng? Leleka mosali enoa oa lekhoba
le mora oa hae: hobane mora oa mosali enoa oa
lekhoba a ke ke a ba mojalefa le mora oa mosali eo e sa
kang ea eba lekhoba.*

*Ha ho le joalo, bana besō, ha re bana ba mosali eo e leng
lekhoba, empa re ba mosali eo e sa kang ea eba lekhoba.*

Morena a ekeletse mahlohonolo a Hae Lentsoeng la Hae le theko e thata.

²¹ Ke tsoere lintlha tse 'maloa, maobane bosiu ke tšoaille lintho tse 'maloa; mehleng, ke ne ke tšoara kopano e le 'ngoe ka veke, nqa e 'ngoe, ke—ke khona ho hopola Mangolo ao ka ho hlaka kelellong ea ka. Empa joale ka mora hoba ke... Joale, ke e bua ka mosoaso, ha kea ikemisetsa ho soasoa kalaneng mona. Empa hoba ke tlote mashome a mabeli a metso e mehlano, habeli, ha ke sa hopola sa mehleng. Li ngata lintho tsa... Limaele tsa ford ena ea khale li phaellane, 'me ha ke sa e hopola. Empa ha nka khona feela ho tsamaea, khato ka 'ngoe ke batla ho e abela tlotseng ea Eo Ea mpholositseng.

²² Joale 'na, ke bone hoseng hona, ke ile ka shebella... Ekare ke mohlolo, 'me ekaba pherekano e feletseng nqa mohopolo o hlalefileng, empa ke tlota nqa seo ke se bilelitsoeng. Ho 'na ntho efe le efe ke pontšo. Ke E bea leihlo, ke sheba khato ea Eona. Nako tse ling ke fumana molaetsa oa ka joalo, ka ho sheba le ho bona khato ea Moea, ho bona seo *enoa* a se buang, le seo *eane* a se buang.

²³ Le ntemohile, hangata, pele ho tšebeletso ea pholiso, ha ke eme kalaneng, kapa ke lutse morao, ke shebile. Ke mametse Moea, khato ea Oona, ke se ke tseba bothata ba motho ea lutseng mono. Ua bona? Ho e bona koana, ka *mona*, ua bona, u E tšoara le pele u hloella kalana.

²⁴ Nako tse ling le pele ke fihla kopanong, nako tse ling, le pele ke fihla koano joaloka California, e re ke sa lutse le ba mpotileng, ke re, "Ho tla hlaha hore ho itseng, *sena* se tla etsahala mona, le *sena* se hlahe tlase mona, se tla etsahala ka mokhoa *ona*," ua bona, kahobane ke Moea oa Molimo. Eena ke... O tsebile lintho tsohle ho tloha tšimolohong, ua bona, 'me ka baka leo Ke Rabosafeleng Eo.

²⁵ Ke lemohile, hoseng hona, Moena Jewel Rose, motsoalle oa rōna bohole ea khabane le moena, kamoo a ileng a ema a bala Lipesalema tseo. Shebang kamoo e nyallaneng, kamoo a buileng, "Ke batla ho bona mofuta oa peō e leketlang holima lona." Maobane bosiu, Moea o boletse, malebana le "Pula ea hoetla, pula ea selemo le pula ea hoetla, e tšolloang matsatsing a qetelo." Le hoseng hona, "Peō e leketlang holima lona." Ua bona, ho bua Moea, shebang kamoo O sebelitseng ka bareri bana, le joalo, hoseng hona. Ka hona ke qotsa sehlooho sena: *Peō E Ke Ke Ea E-ba Mojalefa Le Lekhapetla.*

²⁶ Ke sehlooho se hlollang haholo seo, empa, *Peō E Ke Ke Ea E-ba Mojalefa Le Lekhapedla*. 'Me kea qotsa, mona ke rala liqeto tsa ka, kapa sehlooho sa ka, ke rialo, ho tsoa ho Bagalata 4:27, tharō, mona Pauluse ehlide o bua ka peō e tloaelehileng ea bara ba babeli ba Abrahama. Joale, sena, ke batla ho se sebelisa 'me le ikholise le se e fose. 'Me ha nka tlola nako, ke tla e thonaka bosiu bona. 'Me ke batla ho ruta, thuto ea sekolo sa Sontaha, le tla khona, kea kholoa, ho utloisia hantle ho feta.

²⁷ 'Me ke... 'Me lona banna ba—ba mphetang ka bokhoni, khele... Ha ke moithuti oa thutamolimo, le ho leka. Haeba le sa lumelane le 'na tabeng Ena, nkekiseng maobane bosiu ha khaitseli ea ratehang a ne a mpehetse phae ea cheri. Ke lutse holima ntho ea ka—ka... hoseng hona kahara phaposi ea hotele ea ka, eaba ke—ke thulana le peō, empa ke sa ntse ke ejahphae. Ka mpa ka ntša peō eo, u a bona. Ka hona, ke eona, ha u sa lumele karolo ea Eona, u e qhelele kathoko, ua bona, ebe u tsoelapele ho ja seo u se hopolang se lokile.

²⁸ Joale, Pauluse o bua ka bara ba babeli ba Abrahama, etsoe, e mong oa bona o tlie ka Sara e mong o tlie ka Agare. Joale mona rea fumana, ebile rea utloisia ka Mangolo ana, hore Molimo ha o ke o tšoantšoa ka bobeli. Ke ka botharō. Kamehla Molimo, o phethahatsoa borarōng.

²⁹ Lipalo tsa Bibele li matha ka phetheho. Molimo o phethahatsoa ka botharō, o rapeloa ka bosupa, le tse joalo. Ua bona, re—re fumana lipalo tsa Bibele li sa hholehe le ka mohla.

³⁰ 'Me mona re fumana bara ba babeli ba Abrahama, ebile re ka beoa majalefa feela ka ho fetoha e mong oa bara bao, kapa ka mora ea ikhethileng oa Abrahama. "Hoba ha re shoele ka ho Kreste, re fetoha lipeō tsa Abrahama, le majalefa le Eena ka pallo," efèla Abrahama o tlameha ho fuoa Mora e mong.

³¹ Joale, rea tseba mora oa hae oa pele o tlie ka Agare, 'me re fumana mora oa hae oa bobeli a tlie ka—a tlie ka Sara. Empa o ne a ena le Mora oa borarō, eena e ne e le Jesu. Joale, e batla e makatsa, empa re tla leka ho e qhaqholla. Joalekaha ke boletse, hobane Molimo o Itlhalosa, ka phetheho, ea borarō kamehla. 'Me ke itlhakisitse pela bohle joale, 'me haholo ho lona ba thutam—... baithuti ba thutamolimo, hore lintho tsena ke ho latela kamoo ke E bonang, kamoo E mphihlelang.

³² Joaloka qalong, Molimo, mohla Molimo o nong o ituletse o inotši, hoba E ne e le Rabosafeleng Eo, ua bona, ebile e ne e se Molimo. *Molimo* ke "tlotla e rapeloang." 'Me Logos, kamoo re E bitsang, Lentsoe le tsoileng ho Molimo, Hoo, mang le mang oa tseba hoba Leo e ne e le Lengeloi la Morena, kapa Lentsoe la Morena, le latetseng Baiseraele nahathote; Lengeloi la Selekane, Logos e tsoileng ho Molimo. 'Me eaba Logos eo e etsoa nama ea aha hara rōna. Joale re ho Mohalaleli Johanne 1, "Lentsoe le ne le le tšimolohong, Lentsoe le ne le le ho Molimo, 'me Lentsoe e ne

e le Molimo.” ’Me joale, erekaha A neelane ka Bophelo ba Hae ho rōna, ke moo Moea oa Hae o theohelang holima rōna. Jesu o itse, “Ka letsatsi leo le tla tseba hobane Ke ka ho Ntate, Ntate o ka ho ’Na; Ke ka ho lona, le lona ka ho ’Na.”

³³ Ua bona, Ke Molimo, ka linako tsohle, Molimo o Ipontšang, o Itšebetsa mehleng ea mengoaha e fapaneng. Ka baka leo botharō bao, ba, Ntate, Mora, le Moea o Halalelang, ke Molimo o le mong o sebetsang ka litholoana tse tharō. ’Me rōna kajeno re bang, Kereke Boeona, ke tholoana ea mohopolo oa Molimo pele ho motheo oa lefatše, oa ho fumana e—e Kereke. Ka baka leo ba leng ka ho Kreste ba ne ba le ka ho Kreste qalong, eo e ne e le mehopolo ea Hae, ’me mehopolo ea Hae ke litholoana tsa Hae.

³⁴ Mona peō e qala, tšepisong. ’Me mona Abrahama o qala ka kōli ea pelaelo, ka Ishmaele. ’Me ke batla ho le supisa mehato e merarō ea tsona, ea Peō ena eo re tla bua ka eona, eona eo e seng mojalefa le lekhapetla. Joale re fumana, qalong mona, Molimo o file Abrahama tšepiso.

³⁵ O file Adama tšepiso, pele. ’Me eona, kapa, selekane se ne se theiloe holima lipehelo. “Ha u sa etse *sena*. Ha u ka etsa *Sena*.”

³⁶ Empa mohla A e fang Abrahama, keha e sa beoa tlasa lipehelo, “Ke se ke e entse.” A se ke... Seo A se entseng, keha se sa beoa tlasa lipehelo, O se file Abrahama. Joale, ’me ka hoo, ha e le moo Abrahama a fuoe tšepiso, re tlameha ho fetoha Peō ea Abrahama. “E ne e sa lebisoa ho Abrahama a inotsi, empa le ho Peō ea hae e mo latetseng.” Joale ha le ka elelloa, e ne e se “lipeō” tse mo latetseng, empa “Peō” e mo latetseng.

³⁷ Joale re kopana le tšepiso, e belaetsoeng ke Sara hanyenyane, eaba Sara o bolella Abrahama ho inkela Agare enoa, oa Moegepeta, mosali e mocha, ho ba mosali, ’me e le kamoo Molimo o tlang ho hlahisa peō ena ea pallo.

³⁸ Joale, u a bona, ho tsoa puong ea ka ea ka ea maobane bosiu, khato efe e suthang leanong leo la Molimo la mantlha e faposa ntho eohle mocheng. Re ke ke ra fapoha Lentsoe leo la mantlha. E ka khona... Re buile ka eona mantsiboea a fetileng, kapa mantsiboea a maoba, ke rialo, ka Balaame. O ne a tsoere karabo ea Molimo, e hlakileng e totobetseng, “U se ke ua ea!” Empa O na le thato ea tumello. ’Me u ka sebetsa ka eona ha u lakatsa, ’me Molimo o tla e sebelisa ho tlota Eena, empa e sa ntse e se thato ea Molimo e phethehileng. ’Me ke sona seo re tlamehang ho se tsitlallela, thato ea Hae e phethehileng, e seng thato ea Hae ea tumello. ’Muso oa Molimo, oo A... o holima lefatše hona kajeno, o tla... o ke ke oa theoa, ka ho loka, holima thato ea tumello. E tlameha ho khutlela thatong ea Hae e phethehileng.

³⁹ Joale mona re bona Sara, hoba Molimo a bolelle Abrahama a re ngoana o tla tsoaloa ke Sara, e leng eena ea tla hlohonolofatsa lefatše, joale Sara o e belaetse. Ke batla le elelloe, hoba ha e a tla

ka Abrahama; empa e tlie ka Sara, e motšehali. 'Me o e belaetse, a ba a re, "Nka Agare." 'Me Abrahama a hana, empa Molimo oa mo laela joalo le hona. Ka hona a e etsa, ka kōli ea pelaelo. Joale, Isaaka, ea lokolohileng ea tsoang ho mosali oa pallo, a ke ke a ba mojalefa le Ishmaele, mosali oa lekhoba, ea tlileng ka pelaelo.

⁴⁰ Pauluse o ne a leka ho rialo mona. Ua bona, ha ntho e 'ngoe e belaeloa, e tla hlahisa ntho e itseng ea Molimo, tsamaiso e itseng ea Molimo, empa e ke ke ea e-ba mojalefa le tsamaiso ea Molimo ea manthla. Lea utloisisa? Ua bona, e ke ke ea e-ba mojalefa.

⁴¹ Joale ke ka baka leo ke leng thata hakana kajeno. 'Me ke khotsue e tla ba nako e lokileng ena, kaha ke sa tsebe nako eo re tla e hlola 'moho, 'me, nka khona, ha Molimo o ka nthusa ho le bontša lebaka leo ke hanetsang borapeli bo hlophiloeng ka thata hakana. Ua bona? Ua bona, bo ke ke ba ja lefa le lenaneo la Molimo la mantlha, hobane mokhatlo ha se oa Molimo. Ke oa motho. Kereke ea pele e kileng ea hlophisoa, lefatšeng lohle, e ne e le kereke ea Roma e Katolike mane Nicaea, Roma. Tsenolo 17, ho itsoe, "E ne e le seotsoa, 'me bana ba sona bohole e le lhlola." 'Me seotsoa ke mosali ea sa tšepehang ho monna oa hae, 'me sehlola se a itšoanelia. Empa, u a bona, e fetohile kereke, leha ho le joalo. Ke tsamaiso e hlophiloeng 'me e arola setlamo sa boena. Re lekile ho hlophisa likereke 'moho. E ke ke ea sebetsa; ha eso sebetse. E ke ke (le ka mohla) ea sebetsa. Lekhotla la Likereke tsa Lefatše, ba mpa feelsa...ba fapohile lenaneo la Molimo.

⁴² Joale u re, "U mang uena, thaka le emeng holimo mono le sa tsebe le thuto ea melao ea puo?" Ha se thuto, e etsang phapang. Ha ke leke ho bua ka thuto ea ka.

⁴³ Ke bua ka Lentsoe la Molimo, ua bona. 'Me linetefatso tsena tseo le li bonang tšebetsong ena, ha se 'na, ke Molimo o lekang ho le tlisetsa taba eo, hore ke 'Nete. Na ebe Molimo a ka amana le leshano? Lekhale bo, nke ke ka sebeletsa Molimo o sitsang leshano. O sitsa 'Nete, 'Nete eo A e hlomphileng.

⁴⁴ Joale, Ishmaele a ke ke a ba mojalefa le Isaaka, hoba e mong ke oa kōli ea pelaelo, kōli ea pelaelo feelsa. E ne e le ngoana, e sa ntse e le peō ea Abrahama, empa e ne e se tsela ea Molimo e phethelhileng; Ishmaele. Joale mona nka qeta nako e ngata, empa ke tšepa Moea o Halalelang o tla le tlisetsa eona ka mokhoa o e tšoanelang. Joale haeba bao...

⁴⁵ Efèla ha Ishmaele le Isaaka ba ke ke ba ja lefa 'moho kaha leano la Molimo la mantlha le fapantsoe la—la fetoloa leano la Molimo la tumello, tsela ea tumello eo Molimo a ileng a e sitsa, le Kereke ea moea kajeno e ke ke ea ja lefa le mokhatlo oa bolumeli. Mekhatlo ea malumeli, Molimo o e sitsitse, joalokaha A entse ho Ishmaele, empa ea Moea e ke ke ea ja lefa le tse ling. Ke hantle. Ho tla etsahala, ho tla tsoa kahara kereke ea mokhatlo oa bolumeli (ho reiloeng kereke, kereke ea tlhaho), ho tla tsoa Monyaluoa oa Kreste, Mokhethoa.

⁴⁶ Joale mono, ntho e ntlhophang ea hora ena, ke ho tseba le ho bona mekhatlo ena eohle ea malumeli e hulana e metsoa ke seo re se tsebang e le... seo le se bitsang pula ea hoetla, kapa, tšollo ea Moea. Na lea lemoha Jesu o buile, ho itsoe, “Mohla seo se hlhang, e tla be e le bofelo”? Athe, moroetsana ea leoatla le moroetsana ea bohlale e ne e se majalefa ’moho. Hoba mohla... Moroetsana ea leoatla, e ne e le moroetsana, a mpa a hloka Oli. Empa mohla a tlang ho reka Oli, ke mohla Monyali a fihlileng. ’Me eaba o sala kantle, mohla a ntseng a leka ho reka Oli. Lea utloisia? [Phutheho e re, “Amen.”—Mong.] Ke batla taba eo e thophothele, hantle haholo. Joale, ruri ha kea tlameha ho tsoelapele ka temana eo. Joale, ea Semoea le ea tlhaho li ke ke tsa ja lefa ’moho.

⁴⁷ Ka baka leo Hloibilo, Monyaluo, moroetsana ea bohlale, ea bitsitsoeng, ea khethiloeng pele, mokhethoa! Khele, lona borakhoebo le ka ke la tsamaisa khoebo ea lona kamoo batho ba lekang ho nahana Molimo o tsamaisa lenaneo la Oona, ka ho tlatselela. Molimo o tsebile, pele ho theoa lefatše, ea tla bolokeha le ea sa tl’o bolokeha. Ka boitherelopele, ka boitsebeleopele, O bone setho ka seng, oa bea lebitso ka leng Bukeng ea Bophelo ea Konyana, le pele Kereke e qala. Jesu o tlela morero oa ho batla le ho pholosa se neng se le kahara Buka eo. O rekile Buka ea Topollo. E ne e lahlehile, ’me O re lopolotse, ’me mabitso ohle a ngotsoeng Bukeng eo a lopolotsoe mohla A ne a re lopolla.

⁴⁸ Hape, ke buile khafetsa, le elelloa taba eo. Oo ke morero oa lona hoseng hona, le tsoile mekhatlong ena eohle le lintho ka morero. Lea... Le huloa ke Ntho e itseng. Ho latela mohopoloana oa ka, oa ntsu e qhotsoang ke khoho, ua bona, u—u elelloa ntho e fapaneng. E—e kereke e ne e hloka e—e ntho e kholisang. Empa, uena, u utloile mohoo o itseng, ua elelloa hoo, hore u tsoaletsoe ntho Eo. U karolo ea Eona. Uena, u nyallane le Eona, joaleka seatlana letsohong. Re phuthehile mona hoseng hona ka morero oo, hobane, ka polelo ea ’me oa ka oa khale oa boroa, “nonyana tsa ’siba le le leng li fofa hammoho,” hoba le tsoere lintho tsa kopanelo.

⁴⁹ Matlaka le maeba ha a ke a kopanela letho. Lijo tsa oona li fapane, leha leeba le ka qhotsoa ke letlaka. Ke hantle. Semelo sa qalong, ke sona se buang. Joale, ’me tabeng eo, leha ho le joalo, e—e leeba le ka holisoa nakoana ke ntho eo, ke letlaka leo, empa qetellong le tla fumana molekane oa lona.

⁵⁰ Kereke e sebetsa joalo kajeno, hobane Jesu ke Lentsoe ’me Ke Monyali, ’me Monyaluo ke karolo ea Monyali. Ka baka leo Lentsoe le tla phethisoa letsatsing lena ke karolo ea Lentsoe le kileng la phethsoa letsatsing la Hae, hape ke Lentsoe le tšoanang, boiphihlelo bo tšoanang, Bophelo bo tšoanang.

⁵¹ Hoba, mohla Molimo o no o arola Adama, e ne e le bobeli boo. Re fumana, Adama e ne e le moea, le ho qaleng. “O entse

mothro ka setšoantšo sa Hae ka Sebele, Oa mo etsa e le e motona le e motšeħali.” ’Me hape, Genese 2 le ho tsoella, O entse motho ka . . . ho tsoa leroleng la lefatše. Mothro o bopiloe ka setšoantšo sa Molimo (Molimo ke Moea), ka baka leo ke motho oa moea. Eitseha a etsoa motho oa nama, nama ea phoofolo lefatšeng, O a—O a bontša, ho taka Monyaluoa mona. Ha A ka a ngoatha a bopa sehloliloeng se seng, empa O ntšitse karolo ea Adama, pōpō ea mantlha, a ngoatha ho eena, a ntša lehopo lehlakoreng la hae; oa ntša moea o motšeħali ho Adama, oa siea moea o motona ka mono, oa o bea kahara karolo ea botšeħali. Ka baka leo, ke karolo ea moea oa hae, ke karolo ea ’mele oa hae; nama ea nama ea hae, lesapo la lesapo la hae; Lentsoe la Lentsoe la Hae, Bophelo ba Bophelo ba Hae, le Monyaluoa o joalo ho Kreste!

⁵² Ka baka leo Hloibilo ea Peō ea borena e tlameha ho fihla pele. Haele bafu ba bang ha ba ka ba phela lilemo tse sekete li eso fete, eaba ba emisoa Kahlolong ea Terone e Tšoeu. Ua bona, ha ho kahlolo nqa Peō ea borena, kapa nqa Peō ea Abrahama e reriloeng pele. Joale ha u nka Mohalaleli Johanne 5:24, mame lang sena, “Ea utloang Mantsoe a Ka, ’me a lumela ho Ea Nthomileng, o na le Bophelo ba kamehla.”

⁵³ Taba eo e ka hohlana hakakang le lithutamolimo tsa rōna tse ngata? Joale nka tsoa mona ka qoqa le letaho, “U a lumela na?” “Ehlile!” Monna ea nkileng mosali oa monna e mong, “U a lumela na?” “Ehlile.” “U ne u lutse ka kopanong maobane bosiu, ua utloa Lentsoe?” “Ehlile!” “U a Le lumela na?” “Ehlile!” O mpa a rialo feela.

⁵⁴ Empa phetolelo ea mantlha ea Lentsoe lena, “ea utloisisang Lentsoe la Ka, ’me a tla lumela ho Ea Nthomileng.” “Ea utloisisang,” ka mantsoe a mang, ea Le tsebisitsoeng.

⁵⁵ Jesu o itse, “Ha ho ea ka tlang ho ’Na a sa huloa ke Ntate oa Ka. ’Me bohle bao Ntate oa Ka a ’Neileng bona, ba tla tla. Linku tsa Ka, Maeba a Ka, a utloa Puo ea Ka. Osele li ke ke tsa mo latela.” ’Me ebe Puo ea Molimo ke’ng? Ke Lentsoe la Molimo. Puo ea motho mang ke’ng haese lentsoe la hae? Ke Lentsoe la Molimo; ba tla utloa Lentsoe la Molimo.

⁵⁶ Peō ea tlhaho ebile mojari feela, pele ka Ishmaele, bobeling ka Isaaka, ho theohela ho Peō. Joaleka tlhaka, tjellane, le lekhapetla, la koro. Joale, mona, mehato e merarō ea peō e re takela setšoantšo sa mannete seo ke batlang le se elelloe le ’na hoseng hona. Mona rea bona.

⁵⁷ ’Me ka ho hloka thuto, ke tlameha ho nka lintho tsa tlhaho tseo ke li bonang, ke bapise lintho tsa moea tseo ke li tsebisoang, hobane ka puo ea ka nka sitoa ho le hhalosetsa eona ea etsa kelello.

⁵⁸ ’Me, leha ho le joalo, kamehla Molimo o bapisa tsa moea ka tsa tlhaho. Hola Bibebe e le sieo, ke ne ke tla tseba hoba

Bokreste bo nèpahetse, hobane lefatše lohle le phikoloha holima lefu, kèpelo, le tsoho. Tlhaho e sebetsa ka lefu, kèpelo le tsoho.

⁵⁹ Shebang lerō la sefate, kamoo le behileng lehlaku, 'me tholoana, le foforeha; le khutlela lefatšeng ka baka la mariha a batang, tlase tlasa mobu; le boela le hlaha selemo, ka bophelo bo bocha. Selemo ka seng, se paka ka bophelo, ka lefu, le ka tsoho.

⁶⁰ Letsatsi le chaba hoseng, ke lesea le tsoaloang, le a fokola. Ka hora ea bosupa kapa ea borobel, le qala sekolong. Ka hora ea leshome kapa ea leshome le motso o mong, le tsoile kolesheng. Le chabile ka matla a lona, ho tloha ka leshome le motso o mong ho fihlela ka ea borarō, le qala le fokola. Mantsiboea le likela, le a fokola, ke leqheku la monna. Na ke pheletso ea lona, na lea shoa? Che. Le chaba hape hoseng ho latelang. Ua bona?

⁶¹ Tlhaho eohle, Bibele ea hao ea 'nete ea makhonthe e pakelanang le Bibele ena! 'Me ke seo ke lekang ho le bontša sona hoseng hona joale, u tla bona tlhaho ka Lentsoe la Molimo, e sehiloe ka paterone ea—ea Lentsoe la Molimo, hobane tlhaho ke pōpō ea Molimo.

⁶² Joaleka mahlale, ba sibolla lihlomo le melao ea tlhaho, empa ha ba tsebe seo tlhaho e leng sona. Ha ba tsebe Bophelo ba tlhaho. Ke Molimo oo. Ka baka leo, lihlomo tse se nang sefutho ha li na molemo.

⁶³ Joale, tlhaka, tjèllane, le tlhaka, lemohang. Mona Agare o bapisa tlhaka, e leng bophelo ba pele bo qalileng tsepiso. Sara o bapisa tjèllane, kapa pholene, e kena kahara tjèllane. Maria, moroetsana, o bapisitse 'me o hlahisitse Peō ea makhonthe ea moea, ho hlahisa tlhaka ea makhonthe ea manneta. Agare le Sara, bobeli ka tsebo ea nama. Empa Maria, moroetsana, e bile ka matla a Molimo a Lentsoe la tsepiso, ka tsoalo ea moroetsana. O hlahisitse Peō ea makhonthe. Tlhaka, Agare, mosali oa bobeli, ka pelaelo ea tsepiso, e sebetsang ka kōli, ea pelaelo.

⁶⁴ Ke tsepa feela, Molimo o re thuse. Ha ke...Ke batla hore le bone taba ena, habohloko. U ke ke ua belaela le thojana ea Lona feela. U tlameha ho Le amohela ka mokhoa oa Lona feela. Ha Le hloke ho tolokoa. Bibele e a bua, "Lentsoe la Molimo ha le hloke boithhalosetso ba motho." Molimo ha o hloke likolo tsa rōna life ho toloka Lentsoe la Hae. Ha A Le nètefatsa 'me A Le phelisa, ke hona ha Le tolokoa. Mohla Molimo o no o re, "Leseli le be teng," leseli la eba teng. Ha e hloke ho tolokoa. Mohla A ne a re, "Moroetsana o tla emola," o ile a emola. Ha e hloke ho tolokoa ka letho.

⁶⁵ Ha re hloke hona hohle, liseminare le lintho tsena ke tsona tse etsang banna tjena, "Be, rōna re fumane tlhaloso. Rōna re fumane tlhaloso."

⁶⁶ Molimo ka Sebele o hhalosa Lentsoe la Oona ka Boona. Ha o hloke motho ho Mo hhalosetsa. O itse, "E tla etsahala," 'me e a etsahala. O itse, "Matsatsing a qetelo, O tla tšela Moea oa Hae," O e entse. Ha ke tsotelle se builoeng ke mekhatlo ea malumeli. O e entse, leha ho le joalo, hobane O itse O tla e etsa. Ka baka leo, ha Le hloke ho hhalosoa, hoba Molimo o Itlhalosetsa Boona.

⁶⁷ 'Me lintho tsena tseo le li bonang, tse kang lia le hlolla joale. Ha le ka khona, la hopola; tšebetsong ea lona, lona Mapentekosta, morao koana lilemo tse mashome a mararō kapa tse mashome a mane tse fetileng, e ne e le sephiri hakalo ho—ho kereke ea Methodise le Baptise, joaloka Ena ho lona kajeno. Empa joale le E batle kahara Lentsoe. Ke ntse ke leka ho le supisa joalokaha le lona le kile la leka ho ba bontša. 'Me ha Molimo o fetoha 'me o E tlaleha e le joalo, kahara Lentsoe, E ntoo kholisoa joalo, ke eona tlhaloso ea Molimo ka Boona. Ha u hloke motho ho u hhalosetsa.

⁶⁸ Joale, Agare, ka "kölinyana"! Hopolang, u ke ke ua fokotsa Lentsoe le le leng Mono. 'Me Jesu o buile, ho Tšenolo, qetellong ea Buka. Hape le qalong ea Buka, Kreste o itse, "Ekare ha e mong a fokotsa Karoloana Lentsoeng leo!" Lentsoe le le leng feela le hhalositsoeng ka phoso, le hlahisitse maloetse, lefu, tse kileng tsa re hlahela. Be, haeba Molimo, Ea halalelang, a ile a sheba; a hlahisa tšenyeho ena eohle ka baka la kōli ea tlhaloso ea Lentsoe le le leng, 'me ntho efe e khahlalo le Lentsoe le phahameng leo e hlahisitse tšenyeho ena eohle; le tšotleho,'me Mora oa Hae ka Sebele a ba a fopha mali, ho boelanya ntho e tšabehang ena ho Eena; re tla kena joang ka letho le ka tlasana le ho boloka Lentsoe lohle?

⁶⁹ "Be," u itse, "Moena Branham, mono e ne e le ho Genese." Ke e utloile, ua bona.

⁷⁰ Empa e re ke u bolelle, Tsenolo, eo ke karolo ea ho qetela ea Buka. "Ekare ha e mong a fokotsa Lentsoe le le leng Bukeng ena ea boporofeta, kapa a eketsa lentsoe ho Eona, kabelo ea hae e tla tlsooa Bukeng ea Bophelo."

⁷¹ Jesu o boletse, mahareng a Buka! Lipaki tsa lona tse tharō ke tseo hape: Genese, Testamente e Ncha, le letsatsi la kajeno. Jesu o itse, "Motho a ke ke a phela ka bohobe feela, empa le ka Lentsoe le leng le le leng le tsoang molomong oa Molimo."

"Be, O ne a sa tiea."

⁷² O ne a bua le batho ba rutehileng thutamolimo, ho fihla tsullung. Baprista bao, bontatemoholo, holo, holo, holo, holo ba bona eka khona ebe baprista. Ho lubakanya Lentsoe le le leng la Eona, khele, e le kahlolo ea lefu la ruri. Ba tlameha ho tlepetsoa ka majoe, ka baka la ho fosa Lentsoe le le leng. Empa ba ne ba tšoere tlhaloso ea Lona e phoso. Ka baka leo mohla Lentsoe Bolona; mohla Molimo o ne o tšepisa Messia,

'me o E romela ka lesela le phuthetsoeng leo A tsepisitseng ho E romela ka lona, keha ba tšoere sephuthelo se fapaneng ho Le phuthela.

⁷³ E reng ke bue sena. Le kajeno ho a tšoana, ha ba Le tšoare! Ha se ka sephuthelo sa mokhatlo oa bolumeli kapa sa hlalefo. Ke ka sephuthelo sa matla le tsoho, le ka ponahatso ea Kreste ea tsohileng, kamoo Molimo o E tsepisitseng, 'me e seng ka sephuthelo sa mehopolo ea batho ka Lona.

⁷⁴ Joale, Agare, ka thojana e le 'ngoe ea phapang, ka mosali, ha se ka Abrahama joale. Abrahama o ne a sa batle ho e etsa, empa Molimo oa mo lumella eona hobane eena... Ho a tšoana, le mohla A lumellang Balaame ho tsoela pele. Joale lemoha, ka ho fapana le Eona ka kōli feela, o hlahisitse Ishmaele, eena e le monna ea hлаha, a ke ke a haptjoa. A iphelela ka seqha sa hae. E le monna ea hлаha. Le kajeno, o a itšoanelia.

⁷⁵ Joale Sara, tjèllane, kapa pholene, Sara, mosali oa 'nete oa tsepiso, o hlahisa monna ea itšoereng, qetellong a hlahisa sechaba sa pallo.

⁷⁶ Joale, empa, Maria, e seng ka bong, empa ka tsepiso, joaleka Abrahama ea fuoeng tsepiso ke Molimo, Lentsoe la Molimo, a mpa a lumela tsepiso, "Bona lekhabunyane la Morena," ua bona, ha a hlahisa tlhaka, empa Peō ea mantlha, hoba E ne e le Lentsoe le lumetsoeng ke Abrahama le le lumetsoeng ke Maria.

⁷⁷ Joale, Maria e ne e se Peō, e ne e mpa e le lekhapetla ka Peō. Ba bang ba babeli e ne e le lipelesa tsa bophelo, ke peō ea tlhaho feela. Maria e ne e se Peō, boeena; empa tumelo ea mofuta oo Lentsoeng la Molimo, e hlahisitse setšoantšo se tiileng ho feta sa Lentsoe, hobane E ne e le Lentsoe. Empa joaleka lekhapetla, eona... la koro, thollo ea koro, lekhapetla le bolokile koro ka ho lona ho e sireletsa ho fihlela e khona kapa e hola e khona ho ikemela. Ua bona? Hape, Peō Boeona e faletse ho eena. Joaloka, Peō e neng e le kahara popelo ea hae, eena e ne e se Peō. Ha se eena ea hlahisitseng Peō. Molimo ke Peō.

⁷⁸ Joale, mali ka hona, batho ba bangata ba re hopola re pholositsoe ka mali a Bojuda. Ebile ba bang ba itse, "Be, re na le tokelo ka Balichaba, hobane Rahaba oa sehlola le—le Ruthe oa Momoabe, le ba joalo, e ne e le Balichaba." Ha le na litokelo tsa letho, mang feela oa bona. E ne e se Mojuda kapa Molichaba.

⁷⁹ E ne e le Molimo, Logos, Lentsoe le tsoileng ho Molimo. Mohla, Le ne le qala ho fuama lefatše, 'me La hlahisa bophelo ba tsa leoatle. Mohla Moea oa Molimo, Logos, Lentsoe, etsoe Molimo o itse, "Ho hlahe hore," eaba ho tsoa Logos, e leng Lentsoe. 'Me Lentsoe la qalella ho... hoba hona hohle ho ne ho le kahara Logos; Lentsoe lohle la Molimo, Bibele eohle, ea

mongoaha ka mong. Eitseha Logos e qala e bululela holima lefatše, ha hlaha bophelo ba tsa leoatle; moaho o a nyoloha, bophelo ba linonyana, ho nyolohela bophelong ba phoofolo. Qetellong ha hlaha ntho e emeng ka setšoano, kapa e tšoanang le ntho e e alameng, e e fuameng, Molimo, motho ka sona setšoantšo sa Molimo.

⁸⁰ Motho eo a tlola, joaloka peō ha e tlameha ho oela fatše. Eaba Molimo o qala a e fuama, ka mora tlolo. A hlahisa e—e Henoke, A hlahisa Elia, A hlahisa Moshe, A hlahisa moporofeta ka mora moporofeta, ho leka ho busetsa setšoantšo seo hape. 'Me, qetellong, ha fihla holima lefatše setšoantšo se nēpahetseng sa Molimo ka Sebele, e ne e le Molimo, Logos e entsoeng nama 'me ea aha hara rōna.

⁸¹ Joale eona Logos eo e na le karolo, O na le Monyaluo, 'me eona Logos eo, Lentsoe lena le ke keng la lubakanngoa, le ntse le fuama likereke kajeno, ho leka ho khutlisa Lentsoe ka ponahatso ea Lona e tletseng. Etsoe, bao—bao baporofeta e ne e le lipelesa tsa Peō, 'me esale mekhatlo ea malumeli e le lipelesa tsa Peō joale. Joale lemohang, ka potlako, empa joaloka lekhapetla ha le hamarela, le kopela Peō joale, le ntano e tlohela.

⁸² Jesu e ne e le Molimo. E ne e le eena. Ntate oa Hae e ne e le Logos e khōlō ka Boeona. 'Me A ke ke a E tšela eohle ka ho Moshe, hoba e ne e le moporofeta.

⁸³ 'Me kamehla Lentsoe la Morena, ha le hlolehe, le tla ho moporofeta. Ha ho sebaka, nakong efe, ka hara Bibele, kapa ho tloha mehleng ea Bibele, moo hhaloso e nēpileng ea Lentsoe e ttileng ho moithuti oa thutabomolimo. Ha e fumanoe ka hara Mangolo. Bafarasi le ka mohla, Basadusi le ka mohla, 'me Molimo ha o eso hlahiise moporofeta hara bona, 'me le matsatsing ana a bofelo ha A eso etse joalo.

⁸⁴ Hang hoba ba hlahe, bao bohole 'moho ba bopile mokhatlo ka eona, ea shoela hona mono. Empa O entse hona ka morero. Re tla leka ho e hhalosa, ha Molimo o ka nthusa. Lemohang, le shebe kamoo eona e tšeħali mona e atametseng kateng, eona kereke, peō joale, e batlang e tšoana le Peō ka Boeona.

⁸⁵ Joale lemohang, peō ha e kena mobung, ke peō ea mantlha. Ha e hlaha, e hlahisa bophelo. Empa bophelo bo etsang ka peō ea koro? Ha bo hlahiise tlhaka ea koro lekhatheng leo, kapa thollo ea koro. Ke bophelo ba koro, empa bo lekhatheng la mojari. 'Me eo e ne e le hlabollo ea pele, mohla Luther a tsoang lefifing la tšenyeħo. E ne e tlamehe ho shoa.

⁸⁶ Hangata, batho ba na le kutloelobohloko. Oh, ebile ke balile buka nakoana e fetileng, mabapi le, *Molimo O Khutsitseng*, ka bafilosofe ba bang ba sejaole ba lekang ho le faposa ho Molimo. Ha u sa tsebe Lentsoe la Molimo le leano la Molimo, o ka sisinyeha habonolo. Empa ha u bona leano la

Molimo, lenaneo la Hae, ka tumelo u a tseba hore ke Molimo; 'me Molimo o a Itsebisa, a sebetsa kamoo A sebelitseng koana—koana linakong tse ling, ho tsamaea, ho kholisa.

⁸⁷ Moshe ha a ka a sisinyeha ke hona. O buile le Molimo lifahleho li talimane, 'me Molimo oa re ho eena, "Ke 'Na ea nang a e na le Abrahama morao koana. Ke 'Na ea entse tsepiso ena. Ke tla ba le uena." Monna eo u ka mo thiba joang?

⁸⁸ Joalokaha moporofeta oa khale a buile, "Tau ha e puruma, ke mang ea ke keng a tšoha? 'Me Molimo o buile, ke mang ea ke keng a porofeta?" Ha re bona lintho tseo Molimo o li tsepisitseng horeng ena, ho e bona e phuthuloha, u ka ema ka khutso joang athe u e bona e le tsela ea Hae? Seo A se buileng, se tla hlaha. Ho bona lintho tse hlollang tsena tsohle, empa Molimo o itse e tla etsahala joalo hantle.

⁸⁹ Joale lemohang, e "motšeħali," pelesa. Joale, Agare o hlahile e le tlhaka, eaba ho latela pholene, eaba ho latela lekhapetla, eaba ho latela Peō. Joale shebang lipelesa tsena, ke batla hore le shebe, pele.

⁹⁰ Joale, tlhaka ha e tšoane le Peō kahohle, empa Bophelo bo nong bo ahile ka hara Peō bo ka hara tlhaka. E ne e le Luther. Joale, tlhaka e nyenyane e na le maqoba a mangata; e qalile ka Luther, ea kena ho Zwingli, ea theohela ho Calvin le ba bangata bao.

⁹¹ Joale lemohang, hape, e ile ea fetola malulo a eona. Shebang tlhaho joale ha e bopa Lentsoe la Molimo, joaleka letsatsi; lefu, kèpelo, le tsoho. Ho ntano fihla pholene, eona e le Wesley. 'Me ho eona keha ho leketlile lipholene tse ngata, li batla li tšoana le Peō ho feta lehlaku, la koro kapa la mabele. Le tšoana le eona haholo; hobane, Wesley ka Lentsoe la bobeli, Lentsoe la bobeli la Molimo, o ntse a holisa kereke ea Hae, e feta e haola ka khalaletso. E ne e le molaetsa oa hae oo. Ke hantle.

⁹² Eaba, ka mora nakoana, bo theoha bo kena ka hara tlhaka hape, ba beha qoapi ea mabele. Empa le pele qoapi ena e qala, ho ile ha sisinyeha, tlhaka, ea khurumetsa, khaketlana. 'Me mojali ofe oa koro, mojali oa mabele, ha u ka cheka ka mono oa khola qoapi eo ea mabele kapa ea koro, u ka hopola nthoana eo—nthoana eo ea pele e le thollo ea koro. Empa, joale, oo ke mongoaha oa Pentekosta. Joale u ke ke ua khona, uena, moithuti ofe oa thutamolimo kapa . . .

⁹³ Ranalana ofe, ke rialo, o a tseba hobane eo ke mengoaha, ka hlahlamano ea eona. Nkang e—e Buka ea Tšenolo, nkang mengoaha ea kereke, le shebe haeba e sa phuthulohé ka mokhoa oo.

⁹⁴ Joale, ho Wesley ho tsoile Pilgrim Holiness, Nazarenes, le likerekana tseo tsohle tsa khalalelo, li batla li atametse

Lentsoe ho feta hlabollo ea Luthere. Empa, u a bona, mohla Luther a ne a hlaphisa, ha qala maqoba ao feela. 'Me hoba sena se qale, Moea ohle o falletse kerekeng eo ea Luthere, e ne e se letho haese mokhatlo oa bolumeli, eaba balumeli ba sebele ba mannete ba kena khalaletsong.

⁹⁵ 'Me mohla khato ea khalaletso, Pilgrim Holiness, le tse joalo, le mekhatlo eohle ea khalalelo, Nazarenes, le tse joalo, eaba O falla mono, o kena hantle mongoaheng ona oa Pentekosta. 'Me joale ak'u shebe thollo e nyenyane eo, ea koro, e tšoana le koro ea mantlha makhetlo a milione, eona e keneng mobung, ho feta tlhaka kapa pholene. Empa ha u ka lula fatše, ua e sunya tlasa galase e holisang, ua phetla makhapetla oa a manyenyane, le tsona e mpa e le lipelesa. Le joale thollo ha eso qale. Ke monoko o monyenyanne motšeо koana, u tla u bona e le ntlhana ka galase ea matla a holimo, e tšoana le ntlhana ea pini, peō ke eo e hlaha. 'Me lekhapetla lena mona le itšoanelang le ntho ea mannete, ha se ntho ea mannete. Ke popelo feela.

⁹⁶ Joaloka popelo ea Maria. Maria e ne e se Peō, mona papisong ea tlhaka. E ne e le pelesa ea Eona feela, joaloka tse ling tsohle. Empa ka pitso le ka ho khethoa pele, ke Molimo Boona, morerong ona, haholo e itšoanelia le seo metsoalle ea rōna ea Katolike e se nahananang, ho thoe e ne e le 'ma Molimo. Che, e ne e se 'ma Molimo, hape e ne e se Peō ea Molimo.

⁹⁷ Mosali o hlahaha lehe. Molimo o hlahaha e—e bophelo. Hemotlelobine, mali, a ka hara bong bo botona.

⁹⁸ Sethole se ka alama lehe kapa eona nonyana ea alama lehe, ea haha sehlaha sehleng sa selemo, empa, ha sethole seo sa nonyana se sa kopana le nonyana e tona, le ke ke la qhotsa. Le shoele. Le tla bolla ka hara sehlaha hantle.

⁹⁹ Ke buile khafetsa, ka re ke bona bothata ba likereke kajeno, li bolla ka hara sehlaha hantle, se bitsoang Methodise, Baptise, Mapentekosta, le tse joalo. Haeba li sa kopana le Lentsoe, Bolona, li bolla ka hara sehlaha hantle, ka hara mokhatlo oa tsona.

¹⁰⁰ Joale, joale bang ba bona ba re, eona Protestanta e lumela Maria a hlahisitse lehe. Haeba ho le joalo, le shebe seo le se etsisang Jehova Molimo. Lehe ha le ke le hlaha maikutlo a le sieo.

¹⁰¹ Ka baka leo, u a bona, Molimo o bopile lehe le lefi 'moho, O li bopile bobeli ka hara popelo ea Maria. 'Me Monna eo keha e se letho haese Molimo ka Sebele a entsoe nama 'me a aha hara rōna, Emmanuel, ha se monna ea lokileng feela, moporofeta; E ne e le Monna ea lokileng le Moporofeta; e seng moruti, moithuti oa thutamolimo. Oh, ekaba E—ekaba E ne e le hoo hohle; E ne e le tsohle ho bohle. Empa holima tseo, E ne e le Molimo Boona. Bibele e boletse, "Re bolokehile ka

Mali a Molimo.” Molimo ka Boona, e seng motho oa borarō kapa motho oa bobeli. Motha eo, Molimo ka Boona, Jehova e moholo, ea khurumelitseng Maria; ‘me ke ‘Mopi, ‘me o bopile sele ea mali, bophelo, le lehe ‘moho.

¹⁰² Ha u ka e bontša Mojuda, uena...o a tseba hore na Messia ke Mang. Mohla pholiso ea John Rhyn holimo mono Benton Harbor, esale a foufetse lilemo tse mashome a mane. Eaba rabbi o a mpotsa, a re, ka tšoara potsisiso le eena, a re, “Le ke ke la poma Molimo likoto tse tharō la Mo nea Mojuda.”

¹⁰³ Ka re, “Ba bang ba bona ba etsa joalo. Empa rōna ha re pome Molimo likoto tse tharō.” Ka re, “Na u lumela baporofeta?”

“Ruri, ke lumela baporofeta,” a rialo.

¹⁰⁴ Ka re, “Esaia o buile ka mang, ho Esaia 9:6, ‘re tsoaletsoe Ngoana?’”

A re, “Khele, e ne e le Messia.”

¹⁰⁵ Ka re, “Ebe Messia le Molimo ba tla amana joang?” Eaba ke pheto. Ka re joale... .

A re, “E tla be e le Molimo.”

¹⁰⁶ Ka re, “Ka nèpahalo. ‘Lebitso la Hae o tla bitsoa Moeletsi, Khosana ea Khotso, Molimo o Matla, Rabosafeleng.’”

¹⁰⁷ Ba thuto ea bonngoe ba e fositse moo, ba thuto ea botrintase ba e fositse moo, mahlakore a tsela a mabeli. Empa kopanelo e mahareng a tsela. Efèla ha Molimo e ka ba Ntate oa Hae ka Boeena, efèla ha Jesu e ne e le Ntate oa Hae ka Boeena, O ne a ke ke a khona. ‘Me efèla haeba A ena le Ntate e mong ka ntile ho Molimo, athe Bibele e itse “Moea o Halalelang” e ne e le Ntate oa Hae, haeba e le meea e mebeli e fapaneng. E ne e le ngoana bonyatsi. Ke hantle. Ntate oa Hae e ne e le ofe, Molimo kapa Moea o Halalelang? Ha u ka re ke e mong u tla hlajoa ke lihlong. Molimo e ne e le Ntate oa Hae. Na ho joalo? [Phutheho e re, “Amen.”—Mong.]

¹⁰⁸ Mattheu 1:18, O boletse.

*Ho tsoaloa ha Jesu Kreste ho ttile ka mokhoa ona:
Eitse... Maria 'mae ha a lebelelitsoe ke Josefa, ba
eso kopane, a tšoha a emolisitsoe ke matla a Moea o
Halalelang.*

¹⁰⁹ Joale Ntate oa Hae e ne e le Mang? Ua bona, le bona seo ke se bolelang? Lemohang.

*...Josefa monna oa hae, kahobane e le motho ea
lokileng... a sa rate ho mo hobosa, a hopola ho mo
lahla ka sephiring, ka mokhoa ona.*

*Bonang, eitse ha a sa hopotse teng,... lengeloi
la Morena la mo hlahela ka toro, la re, Josefa, mora*

Davda, u se ke ua tšaba ka ho uena . . . ho inkela Maria mosali oa hao: hobane se emotsoeng ke eena ke sa . . . [Phutheho e re, “ . . . Moea o Halalelang.”—Mong.]

¹¹⁰ Ke itse ho itsoe, “Molimo Ntate e ne e le Ntate oa Hae”? Oh, lona baithuti ba thutamolimo, kutloisiso ea lona e kae?

Lemohang, “Leseli le tla chaba nakong ea mantsiboea!”

¹¹¹ Peō ea mannete e tsoa ho Maria, empa Peō e ne e se ea hae. E ne e le tsepiso ea Molimo, haele moo a itse, “Bona lekhabunyane la Morena ke leo.” Basali e ne e le lipelesa tsa bophelo. ’Me joale, Maria, Peō e haufi haholo.

¹¹² Agare o ne a tlamehe ho e amohela ka mokhoa o sokameng. Sara, ka ho e belaela, a hlahisa peō ea tlhaho feela, takatso ea bong. Empa Maria, ka ntle ho ketso ea bong, o lumetse Lentsoe, ’me Lentsoe la etsoa nama.

¹¹³ Empa lemohang, hore Maria o ne a atametse haufi hakakang, a bolokile Peō ka popelong ea hae, ea ka e tla ba Peō ea hae. ’Me le ona Mapentekosta a entse hona hoo. Ke tlil’o kena ka lapeng. Empa le hopole, Jesu o boletse, ho Mattheu khaolo ea 24, temana ea 24, “Matsatsing a bofelo, meea e mebeli . . .” E seng matsatsing a qalang, joale. “Mehleng ea morao, meea e mebeli e tla bapa ho ka thetsang le bona bakhethoa hola e le ntho e ka etsoang.” Moea oa Pentekosta, o tšoana le ntho ea sebele hantle, o phethahetse ho ka thetsang le bona bakhethoa hola ke ntho e ka etsoang.

¹¹⁴ Joale, ao ha se mantsoe a ka. Ke seo A se buileng. Joale, ka mora nakoana, mohlolomong le tla utloisia seo ke lekang ho se bua. Joale ehlide Peō eo e ne e batla e tšoana haholo . . .

¹¹⁵ Lekhapetla leo le ne le batla le tšoana le Peō haholo, ho feta tšobotsi ea pholene, le ho feta tšobotsi ea tlhaka, empa tseo e ne e le lipelesa Peō feela. Ua bona, Luther o ile hlaphisa, tlhaka ea shoa; Wesley a hlaphisa; pholene ea shoa; Pentekosta ea hlaphisa, bophelo ba shoa. ’Me joale ho fihla Peō. U ke ke ua fetela ka nqane ho Peō.

¹¹⁶ Lemohang, lilemong tsena tsohle, enereha motsamao o hlaha, mokhatlo o e sala morao ka potlako e kalo. Tsoseletso e batla e qeta lilemo tse tharō, ebe ba e hlaphisa, ba e fetola mokhatlo. Lintho tse ngata li tlameha ho tsoa ho eona; joaleka tse ngata tse tsoileng ho Luther, maqoba; le tse ngata tse tsoileng ho pholene, Wesley; le mahlaku a hlhang a Pentekosta, bonngoe, bobeli, borarō, bone, bohlano. Oh, jo ’na! Ua bona?

¹¹⁷ Empa, lemohang, lilemo tse mashome a mabeli tsa ponahatso ea Jesu Kreste! Ha ho eso tsohe le mokhatlo o le mong, ’me o mong o ke ke oa khona; o tla shoa joaleka motsamao ofe oa pula ea hoetla, le ntho eohle esele. Ena ke nako ea qetello, Peō, ’me e ke ke ea e-ba mojalefa le lekhapatla, joalekaha Ishmaele a sa ba mojalefa le Isaaka.

¹¹⁸ Lea e bona mona joale e atametse hakae, e haufi hoo e ka thetsang. Luther, tlhaka; Wesley, tjèllane; le Maria, lekhapetla, kapa popelo, kapa Pentekosta. Nka bua hakakang ka lekhapetla leo hantle mona, ho le bontša. Esale ho theoha le mongoaha, ha eso atamele haufi ho feta hantle hona joale. Ntho eohle ke kereke, eona *kereke*, ua bona, eona e “tšeħali.”

¹¹⁹ ’Me lemohang, e ne e le e “tšeħali,” qalong, eona e belaatseng tsepiso ea mantlha. Ha se Molimo o khutlisitseng Lentsoe la Oona. Le kajeno Molimo ha o khutlise Lentsoe la Oona; O ntse a thasiseletsa Lentsoe la Oona la mantlha! Empa Sara o itse, “Koana, e ka etsahala; re sa lebeletse.”

¹²⁰ Ke bona bothata ba batho kajeno, le leka ho hloella ka hara ntho athe ha le tsebe seo le hloellang ka hara sona. U tla e khona joang u sa tsebe seo u se etsang? Na u tsamaea u khurumelitsoe mahlo? Ho leka ho hloella ka hara ntho athe ha u tsebe seo u se etsang, u tla oa. “Ekare ha sefou se tsamaisa sefou se seng, li tla oela selomong tse peli,” Jesu o entse hlahiso eo.

¹²¹ Empa joale re eme nakong ea Peō. Joale Peō e tlil’o itšarella, (eng?) ho tšeħetsa, ho sebetsa ‘moho le Peō ho E tšeħetsa. E behiloe mono ka morero, ho e tšoara.

¹²² Hobane, letsatsi ha le chaba seh leng sa selemo, le chabela koro, sheba ha tlhaho eohle e thettheha seh leng, e thettheha motšeħare, tsohle li thettheha hantle ka phethahalo, le Molimo. Joale ha letsatsi le mofuthu leo le qala le chabela peō, e a phatloha. Empa lefatše le tlameha ho ema malulong a itseng ho phatloha Peō eo ho tsoa mobung. Le tlameha ho phikoloha ka mona, ebe le ema malulong a itseng ho melisa peō eo. Le tlameha ho phikoloha ka mokhoa oo, ho e nyolla e tsoa... holima mongoaha o lefifi.

¹²³ Batho ba bang, mosomi enoa eo ke reng o ngotse buka eno, *Molimo O Khutsitseng*, o itse, “Mehleng ea mengoaha eohle e lefifi, bashoelatumelo bao ba shoele, ba ile ba theoha, Bakreste bao, ‘me eaba Molimo o ituletse Leholidmōng eka ha O tsotelle.” Khele, batho ba sa balang, ba lifofu, monna ea sefou moeeng, hola mahlo a hae a ka tutuboloha! Ha u tsebe hoba peō e tlameha ho robala leroleng, ho shoa le ho bola, le pele e ka boela ea beha?

¹²⁴ Le kereke ea pentekosta e ile ea shoa, tlasa kereke ea pele ea Katolike. ’Me e tlide ka sebopēho sa tlhaka, empa na le bona kamoo e ipopang kateng e ntse e atamela haufi, ka e ‘ngoe le e ‘ngoe, ka Luther, Wesley, mokhatlo oa Pentekosta? Lea utloisia na? [Phutheho e re, “Amen.”—Mong.]

¹²⁵ Joale E tlameha ho khutlela morao tšeħetsong ea mantlha eo A kileng a e sebetsa mona holima lefatše, hobane ke Monyaluo. Ba bang. Joale O tsepisitse, matsatsing a qetello,

Kamoo lintho tsena li tla hlaha kateng. 'Me re li bona li hlaha, joaloka litsepiso tsohle, Malakia 4, Mohalaleli Luka 17:30. Oh, ke Mangolo a mangata hakae hape, a ke ke a fella!

¹²⁶ 'Me, oh, ke tla tlameha ho khaotsa, hoba nako e re siile. Yaa. Ho lokile, u—u ka ba bolella, ho bona haeba ba ka tšoara... U ka ba botsa, ua bona, 'me u tle ho mpolella. Joale, motsotsot feela. Ke batla ho tšoarana le taba ena, habohloko, ua bona. Ke—ke hore le tle le bone taba ena, habohloko. Shebang, Jesu... Lemohang, bonang, Monyaluoa.

¹²⁷ Leha ho le joalo, rea fumana, mongoaheng ona oo re phelang ho ona joale, ua bona, hore eona popelo, mokhatlo oa Pentekosta, o tšoana le ntho ea mannete. Empa na le lemohile seo, hore Tšenolo 17, e bitsitse kereke ea Roma e Katolike, mokhatlo oa pele, "seotsoa"? Ba e tsebang e le 'nete ba bakae? Ba mo tsebang e ne e le 'ma liotsoa ba bakae? Mosali ea senyehilengmekhoa keng? Joale, O itse mosali enoa e ne e le "kereke." Sehlola keng? Ke mosali ea sa tšepahaleng kanong ea lenyalo la hae. Seotsoa keng? Ntho e tšoanang, lentsoe le tšoanang.

¹²⁸ Joale, o tsoetse. Tsoalo ea mofuta mong? Ha se ea Lentsoe, empa ke tsoalo ea mokhatlo. Methodise ke ena, Baptise, le Mapentekosta, 'me bohole ba futsitse 'ma bona. Mosali ofe ea makhabotlo California a ka tsoala ngoanana oa moroetsana; 'me molaetsa oa pele o ntšitsoe ka morero oo, empa mohla 'nete e ne e hlahisetsoa mongoaha oa Luther, oa khalaletso, o sitiloe ho o amohela. Mohla kolobetso ea Moea o Halalelang e ne e lumelloa, e hlahisetsoa Bamethodise, ba sitiloe ho e amohela. 'Me joale mohla nako ea Peō e hlahisitseng pentekosta, ha a khone ho E amohela. O ne a hlophisisitsoe. Empa esale e le pelesa ea Peō, ua bona.

¹²⁹ [Moena e mong o bua ka leleme le sa tsejoeng. Sekheo lebanteng—Mong.] Amen. Morena a lebohuoe ka hoo, Lentsoe, Lentsoe le builoeng ka ho nyatseha hakalo.

¹³⁰ Ua bona, e a nyatseha, joaleka tabeng ena, e itšoanelia le ho shebella koro e melang. Ha u a tlameha ho e hlahisetsa ka thutamolimo ea tonana. Ak'u e shebelle feela. U a... E u teetse hare, ka linako tsohle. Ua bona, eona... ke e...

¹³¹ Ke tlameha ho khaotsa. Ke utloile khulo, 'me ke mo kopile ho etsa joalo. Re tlameha ho koala. Joale, moena, tlhahiso e le 'ngoe ena feela hape, ke ntso ikela.

¹³² Shebang, joale. Lekhapetla, tlhaka, le tse joalo, ke lipelesa tsa Lentsoe feela. Li ne li tšoere karolo ea Lentsoe, ua bona, ho fihlela li theoha; tokafatso, khalaletso, khutlisetsa ea lineo ka—ka Mapentekosta. Empa joale lemohang. Ho itšoanelia le ka Ishmaele, Isaaka, ua bona, le ho theohela ho Jesu; ua bona, e mong keha a khopame, e mong e le oa mantlha, 'me mona ho

fihla Peō Boeona. Ua bona? Joale, kereke e tsoile nthong eona eo, ea khutlela teng hape. Joaleka palesa kapa ntho efe, e a noa, e hulela ka hare, 'me e tloha . . .

¹³³ Ha se hore Lutherane e lahlehile. Lutherane e hanneng khalaletso, e tla ba joalo, e batlang ho itšoarella ka ho hong . . . Ua bona, Iseraele e jele manna a macha bosiu ka bong, ua bona. Lemoha.

¹³⁴ Empa joale nakong ea qetelo, le shebe lekhapetla lena mona, joale lemohang, ka hara koro. Sephiri se tletseng sa—sa Bophelo se tiisitsoe ka hara lekhapetla leo. Re se bona ka ho Luther, se nyoloha. Re se bona ka hara tjèllane, se etsoa. Re se bona ka hara tlhaka. Re fetela ka koano, 'me joale se nkile tšobotsi ea lekhapetla, se batla se tšoana le mongoaha oa pentekosta, empa sephiri sa mannete se patiloe ka hare.

¹³⁵ Joale hopolang, ho latela Tšenolo, sephiri sohle sa Buka se tiisitsoe ka Litiiso tse Supileng, tseo bahlabolli ba sa fumanang nako ea ho se hlahisa, mehato e mene ea hlabollo, mehato e mene ea Libata tse 'ne tse tsoileng ho khahlana le matla a mane a lefatše. Sa pele se tsoileng, e ne e le . . .

¹³⁶ Se tsoileng pele ke sefe? Tau, ea khahlana le mongoaha oa Roma. E ne e le Lentsoe, la mantlha. Ke Tau ea leloko la Juda. Kreste o tsoile ka Boeena ho khahlana le mongoaha oo. Phoofolo e hlahlamang e tsoileng ho khahlanyetsa hoo ke efe; phoofolo e latelang e tsoileng, ho khahlana le mokalli e mong oa pere, e ne e le eng? Ua bona, mokalli eo oa pere ea pele o ne a apere bosoeu, a roetse moqhaka hloohong ea hae, haisa-isa, le joalo, empa ke seqha se sa hlahleloang metsu.

¹³⁷ Lemohang pere ea bobeli e tsoileng, Sebata se tsoileng ho khahlana le eena e ne e le poho. Poho ke sebata sa sehlabelo. Ba ile ba bolaeloa tumelo mehleng eo ea mongoaha o lefifi.

¹³⁸ Sebata sa borarō se tsoileng ho khahlana le pere e latelang, le pele pere ea lefu e kalla, lefu le lihele, pere e latetseng . . . Sebata se latetseng ho khahlana le mokalli oa letsatsi leo, e ne e le Sebata se nang le sefahleho sa motho. Ba tsebang hoo ba ba kae? Mongoaha oa bohlalefi, bahlabolli, Luther, Wesley, Calvin, Knox, Finney, Moody. Ua bona?

¹³⁹ Empa lemohang, nakong ea mantsiboea ho tsoile eng? [Moena o re, "Ntsu!"—Mong.] Ntsu, boporofeta bo boela bo khutla. Leseli le tla chaba nakong ea ntsu, u tla fumana tsela e eang Khanyeng ruri, oho uena Kereke ea Molimo o phelang!

¹⁴⁰ Ekare nka khutlela mona ka—ka lula fatše hoseng feela, ke qete letšehare lohle, ke qoqe lintho tsena le lona. Mamelang, le nahana hore ha ke le rate? Kea le rata, banabeso. Ke—ke—ke rata ho etela mokhatlo ka mong ke sebets— . . . le—le ho lumela 'moho le e mong le e mong feela. Empa, u a bona, e ke ke ea etsoa. Ke batla ke sa buleloa le monyako.

¹⁴¹ Hona joale ke khukhuna ho ea kena sechabeng se seng, hobane mokhatlo, hobane ha ba lumelle tšebetso eo Molimo... Ke ile ka boela ka ba ngolla lengolo, ka re, “E se e le lilemo tse leshome ke leka ho kena. ’Me lona ka kolobetso ea lona ea bohlanya!”

¹⁴² E mong o lumela hore, “U tlameha ho kolobetsoa hararō; hang ho Ntate, le hang ho Mora, le Moea o Halalelang; sefahleho se thulametse pele.” E mong o itse, “Che, u tlameha ho kolobetsoa ka seetse hararō; hang ho Mora, hang ho Ntate, le Moea o Halalelang.” Athé ba fositse bobeli ba bona.

¹⁴³ E mong o itse, “Eena, u kolobeletsoa lefu la Hae, ’me O ile a kolumela pele mohla A ne a eshoa. Re kolobeletsoa lefu la Hae.” E mong o itse, “Ke ofe motho ea patoang ka sefahleho sa hae? Ha u mo pata, ke ka seetse.” Masaoana a makalo, a arolang batho, a supa mōna. E tsoa ho Satane. Ha se ea Molimo.

¹⁴⁴ Mahlakore a mabeli ao, Molimo ha o emele lehlakore lefe, O mpa a hlabela mahlakore a mabeli ao mokhosi, “Tsoang ho bona, le khethehe,” ho rialo Molimo, “’me ’Na ke tla le amohela ho ’Na.” Molimo a le hlohonolofatse. 

PEŌ E KE KE EA E-BA MOJALEFA LE LEKHAPETLA SST65-0429B
 (The Seed Shall Not Be Heir With The Shuck)

Molaetsa wona, ka Moena William Marrion Branham, o rerilwe sethatong ka Senyesemane Labone hoseng, ’Mesa 29, 1965, borakefese Ba Machaba Ba Selekane Sa Borakhoebo Ba Evangel E Tletseng, Biltmore Hotel, Los Angeles, California, U.S.A., o ntshitswe kgatisong ya teipi ya makenete mme o ngotswe o sa kgaolwa ka Senyesemane. Petolelo ena ya Sesotho sa Borwa e ngotswe mme e abjwa ke ba Voice Of God Recordings.

SOUTH SOTHO

©2015 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
 58 DISA ROAD, ADMIRAL'S PARK, GORDON'S BAY 7140 WESTERN CAPE
 REPUBLIC OF SOUTH AFRICA

VOICE OF GOD RECORDINGS
 P.O. Box 950, JEFFERSONVILLE, INDIANA 47131 U.S.A.
www.branham.org

Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Kreste. Buka ena e ke ke ea rekisoa, ea boela ea hilahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fuoa boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org